

石

匱

書

石匱書卷第三十九

明 蜀人張岱著

徐中山世家

附徐輝祖

中山王徐達者濠之永豐鄉人長身高額面頰沉毅
剛決其儕伍莊憚之至正癸巳郭子興據濠梁太
祖以兵屬之稱朱公子達聞公子名偏裒請見與
語大奇之收置麾下時達年二十有二所委使必効
而又時時以王霸之略進公子大喜曰此將相材

也授鎮撫俾位諸宿將上尋從破元兵於滁州潤再
從取和陽明年故帥孫德崖來屬子興子興脩舊隙
執之德崖軍闕公子單騎往撫亦被執達曰事急
矣請以身質德崖軍歸我朱公子而我亦歸爾孫帥
公子始得脫達亦得脫尋子興死公子為大帥達
益親信從下俞通海等水寨與蠻子海牙相距達別
出奇兵取溧水溧陽斷其肘諸軍前薄之蠻子海牙
敗走從渡江拔采石搥太平與常遇春皆為軍鋒冠

而達入幕預參機務尋破元兵禽元將陳桱先復大
破蠻子汝牙乘勝下集慶路公子晉稱吳國公欲
將達而少之乃會諸將陽責達以不能戢下召軍正
使定罪達頓首請死乃已遂命達率諸將攻鎮江一
鼓而下走苗帥完者修平車定之號令明肅城中偃
然不知有兵達自是專為將矣置淮興與英於鎮江達
領之時張士誠王平江誘我降將陳堡二發舟師自
常州來偏達禦之敗其軍於龍潭追奔至常州請益

吳公以兵三萬益達達乃分其軍為二薄常州而壘
士誠弟士德以重兵援達與將士計曰士德勇而黠
未易力取也去城十八里為三覆以待而別選鐵騎
屬總官王均用將之乃前邀士德兵既交均用鉄騎
衝其中堅陣亂士德走遇覆馬蹶生獲之進圍常州
不下 吳公故奪元帥達以下一官而賜書曰虐降
失陳堡二老師孤城吾所以重過將軍也將軍勉思
補前過大善不則三尺在吾不敢私復益以精兵二

萬達乃合四營兵為二以相救佯示弱狀士誠兵直
攻達達縱兵大戰而外營常遇春來應夾攻大破之
凡五月而常州下達別將馭馬馱沙以為靖江縣進
攻寧國府破走其將寧國守臣降復以輕兵徇宜興
由別道下常熟距平江不百里而軍平江大震已復
與平章卻崇圖宜興分兵塞太湖口援道絕宜興下
時 吳公以重兵定婺處將畧有浙東諸郡而陳友
諒之驍將趙普勝陷池州進據樅陽水寨數往來窺

伺 吳公念不及援而達遣其將選勁卒襲破之普
勝走遂復池州捷聞 公大悅謂微達何以抒我內
顧超拜奉國上將軍同知樞密院事止何 公取無
為州達以兵自無為夜掩浮山寨破偽漢胡撻官寤
追抵潛山下之還池州 公謀知友諒將犯池命常
遇春以兵助使使語達友諒旦夕至則設伏九華山
下而掩其後可盡取也達乃與遇春笑選勁卒萬人
伏九華友諒至盡銳攻城城中伐鼓大噪伏盡發城

中兵應之大破其衆斬首萬餘級生獲三千人遇春
曰此勁敵也不殺為後害遠不可以狀聞 公報使
者天下戰方始毋多數多殺是逆距之也而遇春則
以夜阮其十之九 公不憚命悉縱其三百人歸友
諒而曰此吾不壹將之故也達自是專為大將矣陳
友諒既陷吾太平遂盛兵壓建康 吳公設奇大破
之達時將南門外與馮國勝等追殺於蕪湖縱火焚
其舟至采石復躡其黑旗軍復太平取安慶尋從取

江州友諒走追破之移兵圍廬州時友諒失洪都而
憤悉其衆來爭公趣召達達自廬來會與友諒遇
於鄱陽湖達先諸將蕩其前茅殺千五百人軍威振
既而縱舟深入中敵火且撲且戰復破敵而退時友
諒兵盛公憂師不利恐其乘勝下建康乃以兵符
授達趣還達康達至中約束嚴斥堠鎮靜若不聞有
外兵者會公鄱陽大捷至建康即吳王位拜達為
左相國復從平武昌還師王諭達等以吏涉世故

則智明久歷患難則慮周今者紀經法度粗若有緒
顧其間或未盡善諸公宜執正論為更張毋使有既
往之悔於是達與右相國李善長相與致推明之
稱畫一為再圖廬州左右擄走遂取廬州乃率兵徇
友諒屬城之在荆湘南北者具平之召還大會師建
康奉命率常遇春等以水陸兵徇張士誠淮東郡邑
師行首克泰州遂降興化會張士誠犯軍興乃以馮
國勝攻高郵常遇春攻淮安別將守泰州而達率中

軍精銳渡江救宜興大破之馮國勝在高郵中計詐
約降使使入皆見殺帝怒撻國勝而趣達移兵會
攻克之復會遇春兵攻淮安破其左丞相徐善兵於
馬驢巷進薄其城守將梅思祖降元將暨衆舉徐宿
二州來歸唯安豐為元守達移兵克之淮南北悉平
王興諸將謀討吳越李善長以士誠兵尚強饒蓄積
請緩之達持不可曰張氏汰而苛諸將帥李伯昇等
積子女玉帛旦夕人耳用事者黃蔡葉三叅軍白面

書生易與也臣奉上威德以大兵壓之當自潰

吳王大悅以達為大將軍常遇春副之將兵二十萬討士誠禡於龍江進達等戒之曰士誠能以吳歸命必全之吾聞其女葵閭闔之外女據而芻牧也時副將軍過春欲徑擣平江王曰不然賊分其衆駐吳興錢唐以自輔我頃兵堅城不克而招二輔之援非計也先攻吳興便乃悉舟師自太湖趨薄吳興偽右丞張天麒奏改黃寶院判陶子實分道出戰達分兵

應之遣驍將王國寶以長槍軍過其歸黃寶敗走遂
圍其城偽五太子及平車朱邏樞密呂珍來援軍舊
館達分遇春等為十壘禦之士誠自以兵來援達迎
戰大敗走之復敗其偽右丞潘元紹於平望五太子
朱邏呂珍張天麒等降吳興下遂下吳江從太湖而
出平江城南七里破鮎魚口山柵復敗其兵於尹山
橋薄平江達營葑門分兵營安甯閘盤諸門築長圍
架木塔興城中浮屠等別築其室三層名曰敵樓下瞰

城中纖悉畢見上置弓弩火器發無不中又設襄陽礮著物無不糜碎礮風著人皆死城中震恐連在軍常使使詣建康請事吳王賜書勞之曰將軍自昔相從忠義出於天性沉毅有謀端重且武用能過絕亂略消弭群雄今事事稟命將軍之忠吾甚嘉之然將在外君不御也自後軍中緩急將軍使宜行之勿以聞平江城堅難卒拔莫天祐為士誠守無錫相厚齒其將楊茂善泗從水中漏消息達徼得釋而厚賞

之使往來為間因盡得其虛實士誠迫乃自出兵復
大敗士誠馬驚墮水與入城而其弟士信張幕城上
踞銀椅進秋桃猶未及嘗飛礮碎其首士誠氣益奪
達謀知城中困乏乃勵士鼓而破葑門遇春攻破閘
門城潰士誠猶巷戰復潰拒門自縊兵入解之檻送
建康蘇城將破達與遇春約曰師入吾營左公營右
將士人予一牌曰掠民財者死毀民居者死離營二
十里者死師入而城中食寢互布如故蘇民自相告

曰柰何久抗王師達乃遣輕兵渡江下通州歸獻俘
於戰門進封信國公賜綺帛休沐數月 吳王議北
伐常遇春請直搗元都 王曰壯哉而晉所畫下平
江策也吾欲先取山東撤其屏蔽旋捲河南斷其羽
翼拔潼關而守之天下形勢入我掌握不待塵兵牧
野而元都下矣鼓行而西雲中九原以逮關隴可席
捲也達曰上策之善於是信國公佩大將軍印鄂
國公副之於北門七里山大會諸將謂諸將軍非不

徒關然能持重師有紀律戰勝攻取得為將之體者
無如大將軍達宜專主中軍運籌決勝不可輕動又
謂達聞外之寄汝實任之茲行進取必自山東始大
將軍至淮諭沂州帥王宣與其子信請降既而叛達
怒急攻下沂州慘宣王信走 吳王勞大將軍賜書
曰將軍今何嚮嚮益都則必留兵扼黃河斷其援即
不嚮益都西取濟南濟寧二郡使兵難踰度其在將
軍吾不從中制也金火二星會於丑分後火逐金踰

齊魯以時進取毋失達遂率兵圍莒都降其平章老
保遂徇濰膠壽光臨淄莒州邑因兵威諭降樂安淄
州守將移兵下東平進次安山逼濟南走其大帥陳
平章以都督張興祖守之遂與副將軍遇春兵合取
東昌所屬州邑皆下洪武元年 吳王即大位立皇
太子達兼領太子少傅予誥有曰從予起兵於濠上
先存捧日之心來茲定鼎於江南遂作擎天之柱又
云太公韜略當和一統之規鄧禹功名特列諸侯之

上廷臣崇之達以大兵渡陳橋取汴梁時左君弼竹
負皆犇守將李克彝所克彝謂君弼在廬數與南師
角今悉我麾下兵能復與戰否君弼曰是未易當有
徐相國者善用兵我見之輒膽落克彝乃夜開門北
走而君弼竹負率所部迎降大軍入其城繇中灤進
略洛陽抵塔兒灣元將詹同脫因帖木兒以兵來拒
副將軍遇春突斬其前鋒達麾兵乘之元兵潰洛陽
大帥阿魯溫以其金印從吏民出降河南平達乃遣

副將軍遇春徇薊州都督馮宗吳康茂才徇懷州福昌陳許諸守將皆請降遂西克潼關而守之遣使之太原諭降元丞相擴廓帖木兒不應遂徇虢州毛萌蘆諸寨帝聞達等平河南為幸汴梁以待之居十日達自軍詣行在帝置酒勞之因問達北伐計達對曰大兵平齊魯掃河洛擴廓自保之不暇而敢離其穴我西據潼關李思齊張思道覬奪遠窺元都一甕中孤豚耳誰與為譬指者臣仗天威取之如拉朽

耳復奏曰元主窮蹙必北奔何以待之 帝曰元主
乘氣運而王我中國今衰矣彼且自漸滅何煩我窮
兵出塞之後固守疆圉防其侵軼可也達受命副將
軍遇春來會仍移頓陳橋 帝畫陣圖以賜師次河
陰分兵徇河北衛輝彰德諸郡尋取廣平達駐師臨
清分遣傅友德開陸道通步騎都督顧時濬河通舟
師遂前下德州常遇春張興祖來會取長蘆滄州持
直沽據之作浮橋以渡丞相也速不戰走元都大震

抵河西務敗其平章俺克等進抵通州與遇春夾河
而軍達軍東岬遇春軍西岸遇春敗其西岬兵擒國
公卜顏帖木兒等諸軍入通州夜三鼓元主及其后
妃太子開建德門載重寶北走踰五日達師填濠入
陳兵登齊化門執其監國淮王及居守官吏等戮之
封府庫籍其圖書金玉楮幣以千人守宮殿門使宦
寺監護其宮人妃主給餼廩無缺號令士卒無得侵
暴掠聞 帝大嘉賞承詔置燕山等六衛以守禦北

平命將略保定中山河間真定懷慶俱下遂奉詔定
山西時擴廓帖木兒兵自保安謀陷居庸關撼故都
達聞之謂諸將曰擴廓遠出太原必虛北平孫都督
擁六衛之師足以抗禦我直抵太原覆其巢穴所謂
批亢擣虛也太原下擴廓不戰潰矣遂以輕騎前抵
太原而營擴廓還軍來救鋒銳甚副將軍興達計選
精騎夜劫之擴廓聞變倉卒不知所出急踰帳後乘
驛馬以十八人走大同大兵威之復走甘肅達遣傳

友德破西州而自率兵從霍下平陽河州府山西悉
平遂渡河鄜城守將迎降克同州留兵戍之趣鹿臺
時奉元為都省而李思齊據鳳翔張思道與孔興脫
列伯據鹿臺各有重兵以衛奉元思道等聞達兵至
三日遁達渡涇渭至三陵坡父老出迎達撫安之遣
左丞周凱入申約束明日師進奉元其約束如下故
都秦民大悅以奉元為西安府副將軍兵逼鳳翔李
思齊走臨洮鳳翔下達與諸將議所攻皆以張思道

才不如李思齊慶陽易於臨洮請先攻慶陽達曰不然思道自守虜耳城險而兵精未易即拔臨洮北界河湟西控羗夷地富人衆大兵猝至思齊不走絕徼則束手降矣思齊降全陝皆為我有於是決筭渡隴克秦州走其將呂德張義至華昌遣馮將軍以天策羽林諸衛驍騎逼臨洮李思齊降乃以兵攻靖寧度六盤山襲走豫王晝獲其部落輜重使諭慶陽張思道懼留其弟良臣以兵守而以輕騎躡身至寧夏

為擴廓所執良臣聞之納款達遣右丞顯率騎士五
千步兵五千受降良臣見陳兵自疑佯為蒲伏道左
獻牛酒而夜襲顯顯被創走達大恐即日以大軍圍
慶陽良臣惧登城請降不聽復遣兵破擴廓之救者
韓札兒圖益急其平章姚暉等獻門納師良臣父子
自投臂井不死引出斬之陝西平詔達還京師第功
以達為首稱其攻取山東河南燕冀秦晉等處州郡
克敵致勝振揚國威撫綏軍民得大將體賜金幣且

大論封會擴廓帖木兒覲達還悉兵襲我蘭州教指
揮使于光時左副將軍遇春卒 帝還達大將軍印
而以平章政事李文忠代遇春分兵為二大將軍自
潼關出西道擣定西以取擴廓左副將軍自居庸出
東道從大漠取元嗣主達受脤即日行至定西擴廓
退屯軍道覲達進師逼之駐沈兒峪隔深溝而壘擴
廓發精兵千人繇間道從東山下襲劫東西壘軍中
驚擾左丞胡德濟倉皇無措達自率帳前卒擊之敵

始退德濟故胡越公大海子也達械送京師而斬其
部下趙指揮等以徇衆皆股栗明日達乃整兵奪溝
而陣身先矢石諸將士毋不一以當十大破之擴廓
携妻子以十餘騎遁阻黃河得浮木以渡遂歸寧夏
奔和林德濟械至京帝釋之以書諭達曰將軍自
效衛青不斬蘇建獨不見穰苴之待莊賈乎將軍誅
之則已不誅吾且念其信州諸暨功不得不曲赦以
伸吾不忍自今而後將軍毋事姑息達既破平擴廓

乃使鄧將軍脇降西蕃而自攻興元復取之會左副將軍亦以兵襲應昌盡得元嗣主之嫡孫后妃將相寶玉士馬車服無算先後露布聞詔振旅還京既至帝為幸龍江勞之慰賜有加進封魏國公予鐵券誥曰爾達起兵以來為朕首將十有六年廓清江漢淮楚電掃兩涘席捲中原威聲大振直連塞外其間降王縛將不可勝數嘉爾勤勞是用加爾爵祿使爾子孫世世承襲以報爾功是年帝改營正宮以其舊

內賜達達謝不敢一日故醉達掖寢之覺問左右曰
安寢曰寢舊內達攝衣起惶恐下階拜呼死罪趨出
帝悅於是為達治第榜其坊曰大功與之棹楔二第
胎髹帝過之曰可矣達遂不敢卒髹帝益悅車
駕時臨幸呼達曰哥呼達妻曰嫂四年練兵繕塞北
平山西以便宜徙山後順寧并處軍民戶三萬五千
八百口一十九萬七千餘籍為軍者給自廩為民者
給田以耕凡置屯二百五十四定墾田一千三百四十

二頃北平軍府之用皆賴之其冬召還京師歸旬日
帝召達與由國文忠宋國勝宴射賜達交趾弓五十
彤弓百因諭曰古者諸侯有四夷功賜之弓矢達頓
首謝再旬日 帝御武樓召達計邊事曰擴廓游魂
尚出沒柰何達乃請曰亟發兵阨堅子耳度兵幾何
曰十萬足矣 上曰吾予爾十五萬騎大將軍出中
路文忠以左副將軍出東路勝以征西將軍出西路
各五萬騎達抵山西境都督藍玉為前鋒敗虜於野

馬川復敗擴廓於士刺河擴廓遁與賀宗哲合而拒
我師於嶺北時師數發銳而心易虜驟興之戰不利
死者萬餘人偏將軍湯和遇他虜斷頭山亦敗左副
將軍出塞至口溫雖稍利道遠乏水其後軍為虜所
掩失徹侯曹良臣大校數人然得其士馬輜重略等
獨征西將軍與副將軍友德至西涼屢破虜盡收其
妻子坐私匿馬駝賞不行而上以達功大弗問也
自是達達歲出填北平歲盡返之賜休沐以時燕見

而達益恭謹達長女得尚燕王每見執臣禮無敢居
男六年獲故元官屬千三百餘人招致河曲府山谷
軍民二千餘戶十四年放元平車乃兒不花寇永平
命與湯和傅友德往討既至修永平界嶺三十二關
使友德克虜灰山寨外十七年太陰數犯上將上
憂之會達疽發背小愈上使達子克恭往視賜之
璽書而召之還達還其明年疾益甚帝為延致天
下名醫復禱於山川社稷城隍之神頗假大將軍息

數載以寧萬姓吾他日與之同歸竟不起年五十四
帝祖跣奔達寢撫屍而慟尋輟朝愴然謂群臣曰朕
自起徒步大將軍為朕股肱心膂戮力行陣東征西
討削平群醜克濟大勳今邊胡未殄通者太陰屢犯
旄頭果奪吾大將之速朕竟夕不寐歎歎流涕思盡
心國家為社稷之重安得復有斯人乃思無以報之
但著其勲烈宣於金石以求垂不朽耳贈中山王謚
武寧追王其三代而手書混一區夏真安神人之功

於墓道稱其生平言簡慮精令出不二諸將敬若神明以至攻城不屠俘虜不殺凡受命而出及奏凱而旋不自矜伐至於封姑蘇之庫藏置胡宮之美人財物無所取婦女無所悅忠貞無疵為昭代一人達為將善撫循其下與將士同甘苦士不飽不熟食不營止不就幄傷病者躬慰問給醫藥死者哭而棺槨之得壯士與謀輒不殺以恩結之使為我用所平二大都三會省望郡縣邑以百數無敢有擾民者歸朝上

符印單車垂綵以還郎舍生平無聲酒伎勝之好親
禮儒生與談經術古事輒虚心受之始 帝郊社稷
後即建功臣廟於雞籠山趾圖遠戰功與太廟配享
位皆第一連四子皆上所賜名輝祖襲魏國公添福
勳衛增壽左都督廣緒金中軍都督府事西女長
仁孝皇后次代王妃孫茂先周府儀賓景昌定國公
欽襲魏國公

石匱書曰中山王之賢三伏而下鮮比也其用兵也

整而簡武而不殘其居功也安其事上也矣其藏身也哲蓋韓淮陰鄧高密由濟陽合而爲一人者也於庠偉哉

又曰諸葛武侯之後得大將二人爲曰唐太師汾陽郭忠武王子儀明太傅中山武寧王達中山之易也在乘創也汾陽之難也在振衰也然而亦各有難易焉汾陽之難在庸主也其易亦在庸主也中山之易在英主也其難亦在英主也

附徐輝祖

徐輝祖中山王長子初名允恭太祖賜名輝祖身長八尺五寸洪武二十三年嗣魏國公出陝西防邊二十六年故元降將阿魯帖木兒與其部落隸燕王軍中有異志為告者所發太祖密詔燕王誦實命輝祖以詔往輝祖姊王妃也以是悉將其實與王合筭併其黨與悉捕送闕下戮之二十七年練浙江海上兵防倭二十九年國子學正吳啟言國子生日夥

不為甄別高下無以懲勸 太祖命輝祖同禮部翰

林官監試其文分別送銓司敘用輝祖以勳臣典文

事人以為曠典 讓帝即位加太子太傅時燕王入

臨稱疾不拜王屬尊而功高有武略擁強兵朝議憚

之會王歸留次子高煦待命於邸欲藉渭陽為耳目

輝祖謝絕之且白於 帝曰高煦勇悍無賴非但叛

君尋且叛父勸 帝羈留之高煦微聞夜入輝祖廐

盜善馬馳去其後靖難師起高煦為前鋒所向無敵

帝曰吾悔不用輝祖之言燕兵南下諸徹侯相繼敗
終以輝祖為燕戚故見格建文四年命輝祖率京軍
援山東時平安軍小河斬燕將陳文王真軍聲大振
輝祖來援與靖難兵遇大戰齊眉山斬其尉州衛千
戶李斌北軍退走還營掘塹自固是時京師傳言燕
軍已北遂撤輝祖還京及燕兵再下奄至龍潭復命
輝祖出師分道抵禦將士皆離散及戈無鬪志遂退
歸燕王密使使約輝祖為內應輝祖峻拒之金川門

潰輝祖仍率兵卷戟及建文遜去群臣勸進輝祖獨
守先王祠閉門不出 文皇召之陞見不答一語委
曲開諭始終無推戴意乃下獄論死法司追取伏招
輝祖但書中山開國功劳子孫免死而已 文皇大
怒終以元勲國舅欲誅輒止乃添其名於奸臣楊革
其祿米勒歸私第幽繫五年而卒年四十 文皇曰
輝祖與齊泰等同罪宜論死念中山王平定天下有
大勲勞曲赦之今輝祖病死中山王不可無後輝祖

子嗣魏國公通給中山後祿輝祖長子釋迦保世
見賜名敘遂嗣公爵敘方嗣即乞守其父墓 文皇
大怒謫居中都洪熙元年子顯宗嗣蓋魏國自顯宗
嗣後世提督南京守備而 高祖孝陵在留京者以
懿戚世世奉祀 文皇初即位以一中牢告中山王
其後因之

石匱書曰以輝祖之才而椒房有佞天之妹少肯委
蛇寧不以富貴功名終乎乃獨徘徊故主招之不来

靡之不去非所稱世臣社稷臣也邪昔魯昭失國叔
昭子祈死宗廟君子哀之若昭子猶死冠者也非死
婚媾者也

石匱書卷第四十九

明 蜀人張岱著

常關平世家

開平王常遇春濠之懷遠人身長八尺臂有修毫黑
色如猿亦曰猿臂以金珥耳力能拔九牛元末群
盜起彌江淮間而遇春為大盜劉聚所得遇春雖悍
有膽敢力深入劫還必剋獲而歸大為聚所愛重遇
春察其急鹵掠毋遠志聞朱公子駐兵和州乃偕

其卒數十人來歸未至卧田間夢神人甲而楯趣之
曰起起主君來寤公子騎適過之與數十人求附
牧麾下兩月未有所見自請為前鋒公子曰爾故

主在飽則颺去焉能事我過春涕泣頭搶地曰劉聚
盜耳無能為也臣於草昧識真主又將焉歸語罷復
泣公子猶勿許及渡江抵采石磯元兵陣磯上

公子乘巨艦偏磯去磯尚三大許矢石交下莫敢先
登遇春乘飛舸至公子麾遇春曰上遇春應聲挺

戈躍級走艦尾元兵以長槩下截之遇春一手提戈
一手虛掉一槩借勢縱身一躍而上瞋目大呼衆皆
辟易素槩走遂拔之乘勝取太平路始授先鋒尋遷
總官 公子既渡江而將士家屬輜重皆在江北滁
和軍弱不能堅守蠻子海牙擁舟師數萬襲據采石
南北阻隔 公子率大兵攻之命遇春多張疑兵以
分其應而自帥正兵搏戰出奇擣其中堅輕舸衝突
海牙之舟分而為二左右縱擊大破之悉俘其精銳

自是扼江之勢衰而南北通矣遂從取集慶路公
子晉吳國公命從徐達取鎮江攻常州會降卒叛與
偽吳合圍達於牛塘三匝遇春以單騎突戰擒其驍
將圍遂解進統軍大元帥克常州尋從徐達下寧國
分兵取馬獸沙遂取池州戰功最進行中書省都督
以馬步水軍大元帥從 吳公取婺州復有功進鎮
國上將軍同僉書樞密院事守婺州遂以其兵攻衢
州衢州下移兵攻杭州召還從拔安慶偽漢陽言且

來援過春料其必攻池州留羸弱守城而伏銳士九
華山大破之 公西征留守拜行省叅知政事復從
公追友諒於安慶遂取江州還督龍濟寨之師徇吳
驍將李伯昇圍我長興過春往援俘斬甚衆築城安
慶破池州叛卒羅友賢斬之時 公委任平章即崇
貴而且驕偶不得志謀伏兵置酒要 公飲而劫之
事發就縛 公語諸將吾欲宥榮死以慰勞臣衆唯
唯過春按劍起大言曰人臣而以及名無繼理臣義

不與榮俱生 公乃飲榮酒流涕而戮之以是心益
愛重遇春僞吳將呂珍圖劉福通於安豐 公救之
師至而城已破其兵勢張甚連營水陸為戰守備甚
嚴時汪元帥為前鋒拔其中壘據之會左右軍敗汪
元帥兵欲出走阻於壘則殊死鬪卒不可破遇春以
精騎橫突其脅凡三合三捷大軍乘之遂大勝進圍
安豐元將左君弼自廬州來救徐達與遇春逆擊大
破之移薄廬州且下而陳友諒傾其國兵來爭南昌

公趣達遇春廬州之師歸遂從公往救過於鄱陽湖之康郎山偽將張瑄邊奮前犯御舟舟膠淺勢迫遇春望見不避泥濘左右縱教射中瑄邊敵稍引退而遇春舟復膠淺力戰亦浮脫明日大戰乘風縱火焚其舟數十里天水盡赤友諒弟友仁友貴皆焚死友諒氣奪退保鞋山諸將以敵尚崛強欲縱之去公問遇春遇春愕錯獨不言公乃移舟扼上流而別出奇兵絕餉道凡旬五日而友諒軍之食其左右

金吾將軍皆降友諒迫以百艘突圍湖口而遇春駕
火筏燒之友諒中流矢死乃班師飲至策勲以遇春
功居首賜田土金帛過當復從公討友諒之子理
於武昌圍甫合而其僞丞相張必先自岳來援遇春
以五千騎擊之生擒必先陳理哂辟降公晉吳王
授中書平章政事尋從徐達取廬州復自將略定臨
江之沙坑麻嶺十洞牛皮等砦遂定贛州下南安南
雄韶州諸路吳王褒諭曰予聞仁者之師無敵今

將軍破敵不殺廣宣威德保全生靈予深有賴焉是
天賚予以將軍也還軍頒賞復勞之曰將軍勤勞不
失律民無所擾嶺以南望風款附是能揚武定邦予
報其美敢後將軍其更圖後舉副予所託尋又出師
取安陸襄陽復從徐達克泰州高郵淮安徐宿安豐
悉下之乃大舉討張士誠命遇春仍副大將軍達而
行舟師出太湖禽其萬戶尹義直趨毗山與吳兵水
陸勁鬪敵大潰遂薄其城飛車戰艦高與睥睨埒偽

丞相士信掃境內兵來援築壘舊館出我師背遇春
率奇兵繇大金港入營於東門更出敵背士信急抽
精兵搏戰遇春鼓戰士立破之復破其援兵赤龍船
於烏鎮士信跳身走舊館之卒降生致六萬人於建
康不戮一卒乘勝下湖州進圍平江凡八月始克之
縛士誠以歸籍其兵得二十五萬 吳王召見戰門
慰勞備至進封鄂國公 王念遇春功大欲尊貴之
而李善長徐達為左右相國不能復置相乃以遇春

為平章軍國重事制祿秩與相國等復議討中原遇
春獻策欲輕兵直搗元都執孱王以臨天下 王持
重不之用而心服其勇至是命遇春為征虜副將軍
與大將軍達率步騎二十五萬以北 王親褫旗於
龍江諭諸將曰當百萬之衆摧鋒陷陣所向披靡無
如副將軍遇春第吾不虞其不能戰虞其輕戰耳夫
遇春大將也而好與一小校爭能甚非吾所望也遇
春頓首謝拜詔即行從下山東諸郡 吳王即大位

遂命攻汴梁敵兵五萬屯洛北已降遇春單騎執方
矢馳入陣中敵二十騎攢槊刺遇春無所中遇春一
矢正貫其先驅大呼殺入衆皆披靡遇春偪前奪一
槊前後格殺二十騎無一得脫敵望風潰河南下諸
郡邑先後皆平 帝為幸汴梁遇春馳入謁 帝勞
之曰將軍與大將軍北伐不踰歲而下中原之半功
亦大矣勞亦倍矣遇春稽首曰亡元之民服 上威
德耳臣等祇奉成算以效驅馳敢貪天功為已力也

帝大悅三日辭復往河南遂興大將軍略定河北進
逼大都元主北走取之移兵殉太原元擴廓帖木兒
自保安還師來援其鋒銳甚遇春與達謀曰我步兵
未集驟與之戰危道也不若夜劫之達曰善夜令枚
走襲擴廓果驚遁僅以身克太原下改遇春為左副
將軍出塞取大同轉殉河東西渡關下奉元路遂興
右副將軍馮宗異合西逼鳳翔李思齊率所部十餘
萬衆奔臨洮鳳翔下會元丞相也達寇通州至白河

而遁 帝乃遣遇春以所部兵馳至元故都部署將士李文忠副之遇春謀元主在開平乃選步卒八萬騎一萬取道三河經鹿兒嶺抵惠州敗其將江文靖於錦州次全寧遂興也速遇復敗之進次大興州遇春分千騎為八伏邀其歸大興兵走伏發大敗之禽其丞相脫火赤遂薄開平元主先遁追北數百里俘其宗王慶生平章昂住等斬之師還次柳河州得暴疾卒年僅四十二訃聞 帝震悼罷朝 帝泣廷臣

莫不泣贈開平王諱忠武喪輜至龍江 帝為文往
祭曰朕先拔米石全有中國爾功懋焉方將共享太
平何其未遂遽尔云亡喪今南還哀痛切心與誰言
哉不過臨風興慨想其音容自祭畢慟哭而還命葬
於鍾山之陰明器芻靈凡九十皆官給不以煩其家
仍驛書報大將軍達使歸會葬召宋濂為神道碑侑
享太廟肖像功臣廟皆次大將軍位第二遇春先戰
恒御女子數人戰歸解甲血糊襟窄、有聲所過師

盜士掠士皆騰羸廬霍於諸將士至從大將軍則輒
遵守約束也故自拔米石以至戡定中原身經百戰
未嘗敗北子茂嗣茂以納哈事誑誤奪爵安置廣西
之龍州茂至流所土夷龍州守慕茂家世以愛女事
之而與他土夷爭為所發茂聞之伏毒死或云龍州
守隱之他所寔不死 文皇為窮索茂且發大兵繼
之而卒不得茂踪跡或云定死矣乃小解而別封其
次子昇為開國公

石贖書曰公之國於郢也唐有尉遲宋有武穆與開
平而三矣岳少保初謚武穆旋改忠武與尉遲開平
而又三矣其劉賜烈氣固一邪不然何封謚之肖也
高皇帝於大將軍禮遇有加而終不若開平之眷眷
所謂愿吾愛之者也君明而臣良者也

又曰常開平嘆喟涕洟千人自廢而每對太祖言
無不竭誠盡慎皦然一心磁石引鐵其所以遇合者
微矣唐太宗曰人言魏徵崛強朕止見其嫵媚其郢

國之謂乎且開平中山皆起家草昧而龍虎風雲皆
得以功名累葉其所以深根固蒂之術豈淺人所能
辦哉